




Universitätsbibliothek Paderborn

**Leben Wunderthaten vnd Ehr Des Heiligen Svviberti
Bischoffs vnnd Apostels der Holländer/ Frießländer/ vnd
anderer in Westphalen benachbarten Völckeren/ welche
er zum Christenthumb hat gebracht**

**Marcellinus <Eboracensis>
Ludgerus <Monasteriensis>**

Cölln, [ca. 1647]

urn:nbn:de:hbz:466:1-43663



Th. 2484.

K
11
3

ii
C

Leben Wunderthaten vnd Ehr
Des Heiligen

SVVIBERTI

Bischoffs vnnd Apostels der
Holländer/Friesländer/vnd anderer in
Westphalen benachbarten Völkeren/welche
er zum Christenthumb hat gebracht.

Ausz gezogen aus dem Buch S. Mar-
cellini seines Mitgefährten vnd S. Lüdger ersten
Bischoffs zu Münster in Westphalen/Im Tausenden
Jahr nach der Geburt des H. Swiberti / vnd 900.
Jahr nach erbawung der Festung
vnd Statt Verda.




Zu Cölln/
Bei Konstantino Münnich.

1697



UNIVERSITÄTS-
BIBLIOTHEK
PADERBORN



DAED: MEC: MATAE

Den Voll = Ehrwürdigen /
Hoch = Edelgeboren / Gestreng Edel
Ernuesten / Hochfürnehmen vnd Hochaelehrten
Herm des Collegiat Stiftis H. Swiberti Dechande
vnd sambliche Capitularen / wie auch der Churfürst.
Durchl. zu Cöllen Hohen Kriegs Officiren / Zolbeamten /
Bürgermeister Rhat / vnd ganze gemein
zu Käyserswert.

Shaben das Leben vnd wunder-
thaten des grossen H. Swiberti.
Bischoffs vnd Apostolischen Mans
viel Menschen beschrieben / vnd in
Druck lassen auf gehen / vnd dis
zwar billich. Dam er ist gewesen ein
Himmlicher Stern / da von beyde
Deutschen Länder jen vnd disseits des Rheins Wun-
derbarlich zur Christlichen Lehr vnd Leben erleuchtet vñ
angeführt / eben wie von einer vorleuchtenden Latern so
in einem dunkelen orth / denen so ihr folgen ein vhrsach
des heils ist / vnd sie von schweren vnd gefährlichen fal-
len bewahret. Der erste so dieses H. Patronen Leben hat
beschrieben vmb das Jahr Christi 756. ist gewesen der
H. Marcellinus einer aus seinen Mitgefährten / so aus
Engelandt seind kommen den Deutschen das Euange-
lium zu Predigen. Welches er auch fleissig gethan hat
zu Aldenseel / Deventer vnd anderen Orten in der Tw-
ente / Drente vnd Friesland bis er die Kron der Gerech-
tigkeit mit dem H. Swiberto erlangt hat / sein Fest wirde
gehalten den 14. tag Julij. sein H. Leib hat gerastet zu

* 2

Alden-

Aldenseel: dieses H. Marcellini Schriften nennt man
daß 1. Buch vom Leben vnd geschichten des H. Swi-
berti. Der zweite Sribent/so vom H. Swiberto herlich
geschrieben hat/ist gewesen S. Liidgerus/ ein Frieslän-
der/vnd erster Bischoff zu Münster in Westphalen/der
vnder Carolo Magno ersten Deutschen Kneser gelebt
hat/in viel wunderwerken vnd Heiligkeit/vnd im Jahr
809. gestorben ist im Stift Münster zu Billerbeck/
vnd von dannen auff Münster/vnd weiter nach Wer-
den an der Rhur in sein Kloster getragen vnd begraben.
Dessen schriften nennt man daß zweite Buch von Le-
ben vnd thaten oder Canonization des H. Swiberti.

Auß dieser beyder Heiligen schriften haben folgender
zeit schir alle andere gefaßet oder abgeschrieben/ was sie
vö dem H. Swiberto geschrieben/oder gesagt haben: Als
nemlich im jahr Christi M. c c c . l x x i i . der Ehrw.
vnd Andachtige Priester Theodorieus Pauli Achter-
dehand oder Senior der Collegiat Kirchen S. Marti-
ni zu Gorinchem in Holland/ der hatte auf einem sehr
alten Buch/so jhme auf dem Friesländischen Kloster
Dockem noch langem anhalten erlaubt vnd gelihen/ be-
wehrt vor benante Leben vnd Thaten S. Swiberti las-
sen abschreiben/vnd vber solche abschreibung ein instru-
mentum oder Documentum richtiglich lassen auffrich-
ten/in der Statt Gorinchem in Hollandt Anno 1472.
den 24. Ochobris/wie zu sehen ist in Clypeo Svibertino
D. A Egidij Gelenij. Nach der zeit haben auch die
Magistri Gymnasij Laurentiani infonders Ortwinus
Gratius Anno 1508. Daß Leben des H. Swiberti Ca-
teinisch in Druck lassen aufzugehen/ vnnid dasselbige den
Ehrw. ic. Herrn Dechen vnd Canonichen zu Känsers-
werde

werdt Dediciret/in bedencken das sie zu Käyserwerdt
ein zeitlang gewohnet hetten/als sie vor 5 Jahren wegen
der Peste mit den Studenten von Cöllen abgezogen.
Abermal Anno 1516. hat ein Geistlicher auf der Kreuz-
brüder Orden im Conuent zu Düsseldorp mit namen
Heinrich von Berisheim auff anhalten des Herrn Albrecht
Kessel von Aldenhoven Canonici zu Käyserwerdt das
Leben des H. Swiberti auf dem Latein in die Deutsche
sprach versezt/wie solches zu sehen ist in dem Cöllnischen
Truck/bey Hermanno Bongart von Kettwich auff
Aldenmarck im Wilden man/im Jahr 1521. den ersten
Merken. Nach dem aber Der Ehrw. Sel. Ged. Laurentius
Surius von Lübeck ein Cartheuser in der Cölni-
schen Carthaus die Leben der fürnembsten Heiligen auff
das ganze Jahr auf alten Bücheren sehr fleissig bensam-
men gebracht/vnd in Truck geben/hat er auch des H.
Swiberti Leben angezogen am ersten Tag Martij/wie
zu sehen ist in der ersten Surianischen Truck des Jahrs
1571. bey Germino Calenio vnd Quentels erben
vnd in der widerholten auch vernehrten vnd verbesserten
Truck/mit zu thun P. Ioannis Halij eines sehr ge-
lehrten Mans auf der Societet Jesu/Anno 1617. bey
den Ehrs. Herrn Joan Kreps vnd Herman Weis-
lio. Gleich wie nun auff die oben gesagte der Laurentia-
ner Lateinische Truck/baldt die Deutsche ist erfolgt/ also
ist auch auff die Surianische Truck eine Deutsche tem-
men/auff anhalten des Ehrw. Sel. Ged. P. Ioannis
Retij (oder Ried,) eines Cöllnischen geschlechters/vnd
ersten auf der Gesellschaft Jesu Regenteens Gymnaliij
Trium Coronarum, wie solches zu sehen ist auf einem
Tomo Epistolarum Joan. Retij in Collegio Colo-
niensi,

niensi , vnd Schreiben des Doctoris Ioannis à
Via, welcher des Surij Collection hat zu Deutsch ge-
macht vnd zu München in Druck sein lassen aufzugehen/
im Jahr. 1574.5.2c.

Als aber nachmals im Jahr 1627. Durch den Hochw.
Sel. Ged. Ioannem Gelenium Churfürst. Durch-
leichte von Cöllen Vicarium in Spiritualibus Gene-
ralem &c. einige Reliquien von S. Swiberto dem Col-
legio Societatis Jesu zu Münster mitgetheilet / vnd da-
selbst ein Jubel Fest / wegen ankunft / der so hoch ge-
wünschte Reliquien gehalten worden/haben die Patres
des gemelten Collegij zu Münster/von newen daß eben
S. Swiberti in Druck aufzgeben/abgetheilet in 2. Bü-
cher/wie zu sehen ist in dem Druck anno 1628. in 12. bey
Michaele Dalen. Dß leben hat eben vmb dieselbe zeit
mit etlichen Notis vnd erklärungen verbessert der Ehrw.
Sel. Ged. Georgius Garnefeltius von Paderborn ein
Cartheuser zu Cöllen/wie in seinem Catalogo operum
zu sehen ist/ob woll solche Notæ noch nit in Druck seind
ausgangen. Mit lange hernach hat auch der Ehrw. Herr
Aegidius Gelenius Canonicus zu S. Andres in Cöll
ein schöne Defension Schrift des Lebens S. Swi-
berti genant Chypens Swibertinus in druck geben/ weil
einer/wegen wenig verdachte nainen/so sich in diesem Le-
ben befinden/zweiffelte/ ob alles eigentlich der H. Mar-
cellinus hette beschrieben/wie es in Druck geben.

Neben obgesagten Liebhaberenvnd Ehrenthätigern
des H. Swiberti habē sich auch spüren lassen andere des-
selben Heiligen ernsthafte liebhaber welche von jugendt
auff dem H. Swiberto sehr zu gethan/sein leben haben in
etliche figuren gebracht/vnd weil mir dieselbe vermittelst
einer

einer Personen auß der Gesellschaft Jesu zu handen
kommen/hab ich domals nit gesauinet/ sondern sie als
halt in Kupffer lassen stechen auff die beste weise/ vnd in
Patent/ so woll Latein als Deutsch lassen drucken vnd
EE. Ehrwürden ic. Dedicirt/ insonders weil sie einen
sonderen eyffter hatten vnd großglüchtigen vollgesallen
erzeugten/ ab solcher meiner mühe vnd vnkosten/ auch die-
selbe frengiebig/ wiewoll zu den schweren zeiten erhoben.
Weil aber ich domals angedeutet/ daß der Millesimus
oder das Tausendte Jahr S. Swiberti vorhanden we-
re/ vnd ich jeho Glaubwürdig berichtet bin/ daß EE.
Wollwürden ic. auf Tragender andacht/ zu Eweren
Hochgeehrtem Patronen Swiberto/ daß Tausendt Jahr
dasselben halten wollen/ mit viel besserem fug/ als die
Römer/ihrer Statt Tausendes Jahr gehalten haben/zur
zeit des Käyfers Philippi/ hab ich abermal gedacht sol-
cher Solemnität/vnd Denckwürdigem Fest/ desgleichen
ich nit weiß/ ob jemal in der Christenheit einiger orden
Statt oder Landt ihrem Patron gehalten hat/ bey zu-
wohnen/vnd mit meinem geringen fleiß vnd vnkosten
zu helffen/EE. Wollwürden ic. zu dienst dem H. Swi-
berto zu ehren/vnd Gott dem Allmechtigen zu Ewigem
Lob vnd Glori / hab also neben den Kupfferstücklein/
welche den vngelahrten sonderlich dienen / wiewoll sie
auch den Gelehrten sehr Trost vnd dienlich sein werden/
ein Aufzug gemacht/damit die vnkosten dem gemeinen
man nit schwär fielen/wan sie etwa ein Exemplar zu ih-
rem Trost kauffen wolten.

Diesen aufzug habe ich auf dreyerley Bücheren ge-
macht/erstlich zwar auf dem Leben des H. Swiberti/
welches der H. Mareellinus hat beschrieben/zum ande-
ren

ren auf S. Lüdgeri Schriften. Zum Dritten auf einem Commentario welcher über das Leben S. Swiberti gemacht und demselben angehängt ist und wo mit ehe zum wenigsten Tomo. 5. de Vitis SS. P. Ioannis Bolandi und P. Godefridi Henscherij beyder der Societet Jesu Priestern in Druck wird kommen.

Bitte derhalben E.E. Wollwürden rc. wollen diese meine arbeit ihnen lassen gefallen / wie sie von mir zu E.E. Wollwürden rc. Dienst/dem H. Swiberto zu ehren/vnd Gott zu lob angenommen ist / deren Schutz vnd Schirm ich E.E. Wollwürden rc. sonderlich/samt allen Liebhaberē des H. Swiberti vnd Eweres Stifts Underthanen/Besitzung/Befehlhaberen/Commentantien/vnd Ober Schütz-Herrn/ vnsrem Gnädigen Fürsten vnd Herren ganz fleissig befchle auf Cöllen Anno 1647. den 1. Mers.

E.E. Wollwürden ie.

Dienstwilliger

Constantinus Münich.

Vorred

V. ANGEKÄRTE: WER

Börred

Des Lebens vnd wunderthaten S.

Swiberti Bischoffs der Holländer

vnd Westphälischen Völker

Apostolens.

So es die Römer Groß Bretannien bey 400. Jahr beherschet hetten/vnd nun derselben reich in allen jhren Landen/ wegen infall frembder Nationen/insonders der Deutschen fast abnam/haben auch die Schotten vnd Picti aus Irlandt vnd anderen orten das Groß Bretannien überfallen: vnd weil die inwohner von den Römern hulff erbetten/aber keine erlangen könnten / haben sie über Meer gesandt/vnd der Alten Saxon / Englein / vnd anderer mehr Deutschen/welche damals noch Heyden waren/ hulff an gerufen vmb das Jahr Christi 449. Welches doch denselben Britten/wegen ihrer im Christenthumb Gottlosigkeit vnd Käserye vbel ist bekommen.

Allweil solche vnglaubige Deutsche Völker / nach obgesagter feinden / in die eusserste vnd Berghächtige Länder/die man iſo Schottlandt nāmet/abtrieb; daß errettete Landt für sich selbsten haben behalten. Dieser Heyden führer oder König ware donals Hengistus vnter welchem das Landt Bretannien seinen alten nahmen hat angefangen zu verlieren / vnd an dessen platz Engelandt getändt worden.

Unter dieses Hengisti Söhnen / war einer mit

A

namen

nahmen Ostus, der hatte einen Sohn Edelredt/ der gewan eine Tochter mit namen Ostrida zu welcher zeit die Engeländer durch fleiß des H. Römischen Pabsts Gregorij Magni seindt befehret worden zum Christlichen glauben/vmb das jahr Christi 596. Diese Ostrida gewan eine Tochter mit nahmen Berta/welche einem fürtrefflichen Fürsten vnd Graffen von Nortingam/mit namen Sigebert, ist vermählet/auf welcher ehe der H. Swibertus/der Alt Saxon Apostel ist geboren/wie iko soll vermeldet werden.

Es lebten diese Gottselige ehelent in grosser andacht vnd Heiligkeit. Dann sie in allerley Tugenden übung / als Gottes forcht vnd haltung der gebotten Gottes / wie newe Christen mit vielen gebett vnd al musen täglich Gott versöhneten / sie waren aber ohne erben. Als nun die Gottselige Gräfinne Berta sahe daß vieler Fürsten Graffen vnd Junckeren Söhne Geistlich würden / vnd zu Bischoffen vnd Anderen Prälaturen in der Kirchen zum heil des Volckes ewehlet vnd erhebt würden / hat sie empfisch von Gott begeret daß er ihr auch einen solchen Sohn Gott zu dienen wölte verliehen/welches gebett auch Gott/ als ein nüslige begierdt/folgender weiß erhöret hat.

• 6 (o) •

Beda Hist. Anglic. & Marcellus lib. I. vita S. Swiberti cap. I.



Ach der Geburt vnsers Herrn 648. Jahr/ als
der H. Martinus Pabst/vnd Constanis Rö-
mischer Kaiser war/vnd in Engelandt Ostwie
regierete/rastet in einer nacht Berta behihrnt
Graffen Sigeberto/vnd sahe im Schlaff oben am fir-
mament des Himmels einen sehr grossen Sternen/
der für allen anderen sternen glitzeret / mehr als der
sonnen Stralen. von demie doch zwey sonders grosse
stralen abgingen eine an jenseit des Rheins auff
Deutschlandt/vber Hollandt vnd Altsaxen / die andere
disseit des Rheins nach Frankreich/vber das Colnisch
vnd Lücker Stift. Als sich nun Berta lange darüber
verwunderte/da durchschiene dieser sternē glanz sampt
einem liebreichen geruch die Schlaffkammer der Gott-
seligen ehelut/vnd baldt darauf hatte es ein ansehn-
als fiete der Schöne Stern vom firmament auff behi-
der Ehelut lägerstadt/ vnd umbgebe sie mit seinem
glanz.

A 2

glanz.

glanz. Wirdt also Berta vom fall des sternens gehet
 lich im schrecken erweckt/mit einem lauten schreyen/al-
 so das ab dem geschrey auch der Graff Sigebert er-
 wachet vnd erfahret zu gleich Bertam voll schreckens
 vnd die Cammer voll des liechts vnd lieblichsten ge-
 ruchs:vnd entseket sich auch darab. Und nach dem
 beyde wider zu sich kommen auf grossem wunder vnd
 schrecken/vnd sie sich sampt dem Gebett / vnderredeten
 erzehlete Berte dem Graffen ihr gesicht vnd des schre-
 ckens vrsach/welches er tieff zu herzen genommen vnd
 mit betten bis zur Morgenzeit betrachtet hat. Als aber
 der Tag anbrochen/berussen sie anstundt den H. Aida-
 num Lindisfarner oder Augustaldenser Bischoffen
 vnd erzehlen ihme ihr nachtsgesicht / der ihnen auf
 Gottes Geist geantwortet / daß ihnen soll ein Kind
 geboren werden / das dem Batterlandt ein scheinen-
 des liecht / vnd den ausländeren ein Hoher Bischoff
 vnd bestendiger aufbreiter des Christen glaubens
 sein würde auff dem weg der
 Ewigen Seligkeit.

(***)

lib. I. vitæ c. t.

Als



Nach beyde Ehleut dis höreten/sagten sie danck vnd
lob/dem Herren/mit ein kleine zeit; lebten folgends
in Reuschheit/beflissen sich des Gebetts/Fastens
vnd den wercken der Varmherzigkeit/ ernstlich.

Nach dem nun die gewünschte stundt kommen das der
Selig Knabe von der Herrlichen Mutter soll geboren
werden/ da hat gehelich ein vntersehnlicher glanz die
Königliche Camer/in welcher die selige Berta geberen
solle/starck durchschienen. Darab alle gegenwärtigem
hoch sich verwundert vnd entsetzt. Und ist solcher Stra-
lender schein so lang beständig verblieben/bis die Mutter
geboren hatte/nach dem aber daß Kindt geboren/hat sich
algemach der glanz verloren. Die Matronen vnd Fra-
wen welche daselbst bey ein ander waren lobeten Gott/
vnd verkündigten daß grosse werck Gottes/welches er in
solche glanz vñ gesicht gewirkt hatte:ist also diesem kind-
lein ein that von Gott widerfahren der gleichen vorzeitē
dem vorlauffer des Herrens ist geschehen/ dessen emp-

fängniß von einem Engel ist vergefündigt vnd die ge-
 burt mit wunderwercken abermahl gezieret / als wann
 Gott wolte andeuten daß auf der zeichen gleichheit/ sollte
 der ämpter gleichniß gemerkt werden: welches auch die
 behwesende woll in acht genommen haben / in deme sic
 wie jene/die bey der geburt des H. Joannis waren/ der-
 selben geburt wunder/vber alles Jüdische gebirg aufge-
 breitet vnd rüchbar gemacht vnd allen horenden vnd
 wollachtenden / eine gelegenheit geben zu sagen: was
 nach Gott auf diesem Kindt willen machen? dann es
 kein gemeiner vnd schlechter mensch sein wirdt / der also
 mit Göttlichem licht geehret wirdt. Als aber daß edle
 Kindt zur heilsamen Tauff ist kommen / vnd auf dem
 wasser durch den H. Geist widergeboren ware/hat man
 ihne Suibert genandt nach seinem Groß-

Vatter Graffen von
 Nortingam.

lib. I. vita c. I.

Nach



3

Ach der zeit ist daß Kindt sorgfältig außerzogen/als welches zu hohen Götlichen wercken
solte gebraucht werden. Und Gott sonderlich
eigen geben vnd verlobt war. Und als es auch
zu verstandt kommen/hat es selbsten/ auch eines Heili-
gen Lebens anfang williglich gemacht/vnd mit dem al-
ter die empfangene gnade durch Gottselige wercke ge-
mehret. Insonders hütet er sich für die betriegliche an-
reizunge der vntugendt vnd wollüstten/besüchet die Kir-
chen vnd Götliche Ampten mit allem fleiß/alles was er
in der Predigen gehöret fasset er trewlich zu herzen/vnd
behielt in guter gedächtnuß. Die armen vmb das
Schloß Nortingā führet er hinein/ empfing sie so woll
als er konte/gehet auch mit lust zur Schulen/merckt auff
alles sehr fleißig/vnd/nach maß seines fürtrefflichen ver-
standts/behielt er alles woll was jhme die Schulmei-
ster Lehreten. Weil er nun mit allen seinen reden vnd
thaten

A 4

thatzen anzeigte einen Eugendtreichen Geist/sagten die
beamten vnd Edelleute des Schlosses oft zu ein ander:
wan Gott diesem Kindt das leben geben solt/ so wirdt es
Heilig sein; dann nichts anders kônte man aus seinem
wandel schliessen.

Als er nun also in Götlicher liebewachsendt bis ins
XXV. jahr seines alters kommen war/hat er daß Closter-
leben erwehlet/ als welches zu seinem sin vñ Geist Taug-
licher were / vnd nach reissen bedencken diß sein fürha-
ben/seinen Elteren mit gebogenen knien demütig zu ver-
stehen geben/welche sich ein zeit darüber berathschlagten/
vnd nach guten bedencken gern bewilligten / ja mit weis-
nenden augen befohlen haben / daß er auff angefange-
nem fürhaben wolte stetif verharren; Also kompt der ver-
ständige Jüngling mit seines Vatters Brieffen/ zu einer
berühmpten Closter Beardan in der Provinz Lindissen
gelegen in welchem auf Irlandt / Schottlandt vnd
Engelandt viel H. Männer versamlet lebten / vnd der
Gottseligkeit/vnd liebe/bey Tag vnd nacht in bis vñnd
guten werken oblagen: von welchen er mit aller beschei-
denheit angenommen/ in Lernen vnd thuen XX. Jahr
Gottseliglich/in bus vnd liebe zu gebracht / vnd alsdan
zu einem Priester geweihet angefangen Gott daß ange-
neine opffer auff zu opferen verharret ofter von Meitten
zeit/bis an den Tag im Gebett / richtet seine gedanck en
dahin/daz er allezeit die Himlische gûter liebete/
vnd auch solche liebe andere
Lchrete.

• 8 (0) 90 •

lib. I. vita c. 2, & 3.

Als



Es er nun XXI. Jahr in dem selben Kloster wol
geübt / wie ein morgenstern für den Brüderen
leuchtet/ist sein name vnd lob durchs ganze Kö-
nigreich North-humbrien so groß worden / daß
nicht allein der gemeine man / ihne für einen Apostoli-
schen man gehalten / sonder auch der König vnd seine
fürnembste Stände/vnd Kirchen Prälaten ab seinem
ruhm hörten vnd verwunderten:vnd mit dem fürtreff-
lichen Graffen Sigebert dem Vatter vnd Verta der
Mutter erfreweten vnd Gott lobeten/in bedenken / daß
ihr gesicht also hell vnd klar wehre wahr worden.

Insonders aber hat sich ab den Eugenden des H.
Swibert erfrewet der H. Egbert Erzbischoff zu York
oder zu Eborach/als in dessen anbefohlenen Landen sol-
cher Stern war auffgangen. Läßt ihn derhalben zu ihm
rufen/vnd macht ihn in der Erzbischöflichen Kirchen
oder Thumstift S. Petri zum Chor oder Domherren/
daß er da Gott dienete. In dieser versammlung hat er sich

A 5

zwey

zwey jahr lang so streng im wachen/betten / fasten vnd
 aller Closter zucht gebraucht/daz sein leben mehr Eng-
 lisch als Irdisch geachtet worden. Und als er solcher ge-
 stalt allen Brüderen/der Closter regel gemäß lebte/ ein
 fürbildt vnd exemplar worden / ist er über das Closter
 Dacore am flus Dacor gelegen/zum Obersten vnd Abt
 erwehlet worden/welches ampt vnd bürde der H. Svi-
 bertus wollvngern auf sich genommen/jedoch auf ge-
 horsam vnd befehl des H. Erzbischoffs Egberti mit ge-
 dult vnd allem fleiß ein Jahr lang ertragen. Dann er
 hatte auf Gottlichem eingeben seine sinne vnd eyffer et-
 was weiter erstreckt/ wolte lieber in frembden Länden/
 vmb Christiliebe wallfahrtē/vnd vmb zichen vnd das
 vnglaubige Volk/so in der Finsterniß vñ Todts schat-
 ten gesessen/durch Gottes gnade zum liecht des Catholi-
 schen glaubens bekeren/ als unter einer wollerzogenen
 Zahl der Geistlichen/seine krafft vnd Eugendt (so zu re-
 den) vmb sonst lassen verzehren. So hat auch Gott vmb
 selbige zeit diesem Gottselichen vorhaben des H. Svi-
 berti eine städtiche gelegenheit neben viel herlichen exem-
 plen an die handt geben. Dann als der H. Wilfridt
 Bischoff zu Lindisfarn/oder Angustaldt gen Rom wol-
 te walfarten/vnd ihn der West wind in Frieslandt an-
 getrieben/ist durch dieses H. Mans Missfahrt / den
 Christglaubigen North-humbren dieses vnglaubigen
 Volcks noth/vnd daneben zum Christenthumb
 bequemlichkeit fundt worden/vnd ein
 Herzliches mitleiden
 erworben.
 (**)

lib. I. c. 4. & 5.

Ms



5

NEs derhalben der H. Egbertus Erzbischoff zu Eborach vnderrichtet / groß mitleiden hatte mit den Friesländeren vnd Saxon. theils als verwandten/ weil auf diesen Landen vor zweyhundert Jahren die Engeländer waren aufgezogen / theils als Creatures Gottes die mit dem therwren Blut Christi waren erkaufft/ hat er aus seinen Canonichen einen Priester so gar Geistreich vnd gelehrt ware mit namen Wigbert sampt zweyen anderen Geistlichen Personen/ als Diaconen zu den vnglaubigen Friesländeren gesandt/ welche dahin seindt zu Schiff kommen / als jek Radbodus der Friesländer König ware worden. dieses Königs Gottlosigkeit hat die Gesandten verhindert daß sie in zweyer Jahren höchstem fleiß wenig haben aufrichten können/ vnd seindt vñverrichtersachen widerumb gen Eborach zum H. Egberto kommen/ der sich sehr betrübet/ ab seiner Landts-Leuten verstöcktem Herzen vnd elendt/ lies doch nit ab von seinem guten willen vnd Gott.

A 6

Gott

Gottselichen fürnemmen; versuchets abermal/ sendet
 auf vnderschiedlichen Clößtern Heilige/ geschickte vnd
 Ernsthaftie Männer/ die in lehr vnd wercken berühmet
 weren/das wort des Lebens bey den an der Seele Tod-
 ten Menschen zu Predigen; hilt auch so gar der Apostel
 zhal in seinen zwölff Apostolischen Männeren S. Wil-
 librordt/Swibertus/Acca/Wigbert/Wilibaldt/Wini-
 baldt/Zebwirt/zwen Ewalden/Werenfridt vnd Marcellin
 die Priesteren vnd einem Diacon genant Adelbert/
 welcher der Iren Königes Sohn ware. Diese Männer
 waren alle/ wie oben vermeldet in Engelandt auf der
 Fresen vnd Sachsen geblüt geboren/ vnd könnten da-
 rum woll in ihrer sprach denselben Predigen in ihrer
 Teutschchen sprach. Als nun alles zur reise fertig gewesen/
 haben sie ihren abscheidt genommen von ihren Freun-
 den vnd Elteren/vnd lestlich auch des H. Erzbischoffs
 Egberti segen demütiglich empfangen/ vnd seindt mit
 Gottes hilff vnd gutem winden baldt über See in des
 Rheines in fluß behenden Wick (jho Leiden in Hol-
 landt) in gefahren/vnd auff selbigen fluß auff fahrendt
 gen Wiltenburg jeho Bricht genandt ankommen im
 Jahr nach unsers Herrens Geburt D CXC. Als der
 Pabst Sergius/vnd Käyser Justinian Regin-
 ten/vnd Alderinus zu Cöllen
 Bischoff war.

— 06(0) —

lib. i. c. 5. & 6.

Als



Als diese Apostolische Männer alda ankomen / ha-
ben sie bald angefangen den Christlichen Glauben
außzubreiten/ in dem tieheren Frieslandt/ zwischen dem
Rhein vnd zu der See ja auch in der Insel Fostelandt/
welche ein Erk fik war so woll der Gottlosigkeit / als des
Gözen dieters Radbodi/des Königs in Frieslandt.

Haben derhalben daselbst als im fern oder Herzen
die abgötter zu verstoßen angefangen/vnd zu Predigen/
auf rath des H. Wigberti ihres mitgesellens. Aber der
Heydniche König Radbod hat bald zu seiner Götter
rach/die Diener Christi vertrieben/ auch den H. Wig-
bertum lassen mit schmerzlichem Todt ermorden. Dero-
halben ziehen die verjagte diener Christi zum Fürsten
Pipino, dessen reich in Ansträßen/sich von Italien/ den
Rhein ab/bis an die See erstreckte:begeren dessen hülff/
vnd schütz zu der Heyden befahrung / welche er auch ih-
nen gern mitgetheilt/vnd mit starcken befelchs Brieffen
gen Utricht abermal gesandt / weil er daß Landt dem
König

König Radboden abgewonnen hatte. Also seindt sie & hermal gen Utrecht kommen vnd auff dem grundt der Alten Kirchen S. Thomæ welche von den Fresen verstorret war zur ehr des H. Kreukes eine neue Kirche angefangen im Jahr DCXCV. vnd einen Tauffstein auffgerichtet vnter dem Schutz des Schlosses von Utrecht/ damit die bekehrten sicheren zu gang hetten / zu den Christlichen Sacramenten.

Vnd darnach theileten sie sich auf in das vmblichen-de Landt/ neue Christen zu machen. Vnd zwar der H. Swibert kam mit dem H. Werenfriden vnd Marcellinus zu Predigen in eine grosse Statt genandt Duerstede am Rhein gelegen / zwei meil von Utrecht gen auffgang/welche voll abgotterey war. Aber sehr baldt ist von den Henden der H. Swibertus gefangen/ damit er heimlich würde vmbgebracht/ dan sie es offenlich nicht dörffen wagen wegen des Pipini macht/ welcher desselben ork Ober-Herz war vnd allen gewalt gegen die diener Christi hatte verbotten.

lib 1.c.7.

• 05(0) 00

All



Als diesen frevel der H. Werentriedt vnd Marcellinus sahen/weineten sie mit schmerzen vnd folgten zum Kercker zu. Aber der H. Swibertus tröstet sie selber frölig/vnd ermahnet sie daß sie vnerschrocken für den Glauben Christi stehen wolten / sich auch nie fürchten den Todt vmb Christi Jesu willen zu Leyden. Ist also der H. Swibert ein geschlossen/aber in derselben Nacht da seine Mitgesellen travorten vnd S. Swibert bettet zur vierdten wacht; sihe da kombt des Herren Engel mit grossen schein in den Kercker vnd sprach. Forchte dich nit/du diener Gottes/dan der Herr ist mit dir. Vnd in bey wesen der Wechter / nit ohne ihrem grossen schräckē/machet er ihne los/mitbefahl er solle ferner Christum den Händen Predigen. Vnd als der Engel von ihm in der lufft verschwunden/kompt er zu seinen Mitgesellen/felt mit freuden auff seine kne nider/vnd sie mit ihm/sagten Gott mit grosser andacht lob vnd dank/von wegen der Engelischen heimsuchunge vnd Trost. Als aber

aber die Unglaubigen/bevor aber die Götzen diener an
anderen tage höretent / daß er also were los worden da
fingen sie an zu zweiffen/vn zu erkennen/dß geringe ver-
mögen ihrer Götzen/vnd die macht Christi zu preissen.
Vnd als der H. Swibertus desselbigen tags abermal
mit grosser bestendigkeit Predigte / haben sich viele ver-
wundert ab der gewalt Christi/vnd sich zu ihm bekehret.
Vnd niemandt hat fortan an diesem orth die hände an
ihn freuenlicher weise legen dörffen. Darnach kompt er
mit seinen Gesellen widerumb gen Utrecht/erzehlet sei-
nen Brüderen alles/was der Engel mit ihm zu Dür-
stede hette gehandlet/vnd sie lobten Gott samentlich vnd
weineten für freuden/in bedenken vnd so scheint-
baren erfahren/der Götlichen fürsichtig-
keit vnd Liebreichen
Barmherzigkeit.

46(0)96

lib. i. c. 8.

Dar-



Darnach ist er durch viel Stätte vnd Märkt in Frieslandt, Hollandt vnd Teisterbandt gezogen / Predigt allen Menschen Christū öffentlich vñ beständig. Und ob er woll viel widerwertigs an vielen örtēn / mit höchster gedult erlitte / so brachte er doch auch mit Gottes hülff durch seine heilsame Lehr vnd ermatunge viel Volkter zu der erkandnung des Glaubens Christi. Im selben Jahr kompt er zu letzt mit dem Werenfriedt vnd Marcellin in eine Oosthollandische Statt Hagenstein eine meil von Dicht gegen Mittag daselbst hielten die Heyden ihrem Abgott einen sehr grossen Festtag. Als nun das Volk behammen war / gehet der H. Swibert mitten vnder sie / schrie laut: O ihr Hochverständige Menschen / kommt herzu vnd höret / dan ich ein botte des Allerhöchsten bin. Die Götter so ihr anbetet seindt Bildniß voller vtreinen Teuffel die euch betriegen &c. Glaubet an Jesum Christum derwarhaftig Gott ist vnd vmb unsers

B

heils

heils willen/von der Reinsten Jungfrau Maria geboren auff das er das Menschliche geschlecht erlösete/vmb unsers ersten Vatters Adams Sünde/nach dem fleisch Secreuziget am dritten tag widerumb ist Auferstanden/ vñin seiner Jünger ansehen gen Himmel gefahren ic. So glaubet nun an ihn vñnd thut Buß für ewere vñwissenheit/vñnd lasset euch Tauffen in seinem Nahmen/so werden in euch erfüllt werden die Zeichen vñnd wollthaten Gottes/ die er versprochen hat seinen glaubigen/neimlich die Kranken werden sie mit auff legen die Hände gesundt machen ic. Und als er diß also aufzgeredt/da versuchete sie den H. mit zuführe eines von Mutter Leib blinden Jünglein so Hubert genendt/ über welche der H. Man. viel es Gottes ehr erfordert/bettendt das Zeichen des H. Kreuzes machte/vnd als Baldt sehent den Heyden wunder gab. Darab sich viele verwunderten vnd zu Christo bekehret getauft sein/vnd als er des anderen tags schon alle Gott gewonnen/hat er desselbst eine Kirche zu der ehren der H. Jungfrau Mariæ angefangen/welche er nachmals auch geweyhet hat/nach dem er Bischoff worden.

lib 1.c.9.

• 08(0) 90 •

Da



Da nun die Zaal derglaubigen täglich mehrete/
 ab dem ernstlichen Priedige vnd auch viel
 getauft waren von denen die Priester waren
 mangelte es ihnen an geweheten Kirchen/dar
 innen sie die glaubigen versammelen/ vnd die Gottliche
 ambter halten / vnd vollbringen mochten/da haben sie
 auf ihnen zwey erwehlet/die dem Volk in Freislande
 mit Predige/Kirchen weihen/vnd Priester ordnet solten
 furstehen/nemblich den H. Willibrord vnd Swibert
 beyde demutige/ sanftmütige voller guter exemplen in
 der H. schrift vnd Kirchen Sakungen wollerfahren.
 Und zwar der H. Swibert ist mit Acca/dein H. Egval-
 den vñ andern netzen Christen in Engelandt vber See
 geschickt/zu Eborach oder Yorck ankommen an S. Lau-
 renzen abendt. Und weil der H. Egbert Erzbischaff zu
 Yorck ubel auffware hat er de H. Swibert/zum H. Wils-
 friden der Mercier Bischoffen gesandt das er von ihm
 gewehet würde: welches auch geschehen ist an S. Bar-
 tholo-

B 2

tholo-

tholomeus tag im jahr 695. von Wielfrido vnd zweien
anderen Bischoffen mit sonderer Herze frewde/das er
den ersten Bischoff der Frisländer mögte wenhen der
dasselbige Volck zubefehren hette einen anfang vnd
gelegenheit gemacht. Immittelst seindt die H.H. Ewal-
den in Irlandt mit erlaubniß gezogen/vnd neben ande-
renden H. Deutschlandts Apostelen/Bonifatius her-
aus gebracht/der H. Willibrordus aber ist zu dem Her-
hog Pipino kommendt bis ins folgende Jahr auffge-
halten/vnd do gen Rom nach dem Pabst Sergius ge-
schickt/ das er von ihme zum Bischoff würde gewen-
het/welches an der H. Cecilien Festage geschehen ist. Als
aber der H. Swibert Bischoff widerumb verreisen sollte
zu seinem Apostolat vnd Volck / ermanet ihn der H.
Wilfridt also: Mein lieber Bruder lasse dich keine ar-
beit oder böse Zungen der Aßter reden vnd Barbarische
Völcker schrecken: Förchte auch nit die dein leib Tödtten/
die Seele aber nit ermorden können ic. Vnd er vmb-
finge ihn im fuß des Herrens mit seinem
mitgefahrtent vnd sendet
sie zu Gottes deinst.

lib.l.c.10.

Nach



Wachdem nun der H. Swibert auch von seinen
 freunden vnd Elteren abscheidt genommen
 kompt er widerumb vber See gen Utricht
 am Rhein ein jahr ehe der H. Willbrord von
 Rom widerkame. Daselbst ist er sehr ehrlich mit grossen
 freuden/ von den neuen Christen empfangen / ziret die
 Bischoffliche Hochzeit mit herlichen Eugenden/ lebet fer-
 rer in grosser Demut/sanftmut/einfalt vnd vollkommen-
 heit. Durch wandert Stätte Märkt/Häuser/höfe damit
 er das Euangelium Predigte wie die Apostolen. Er
 hat Freylande Hollandt weit vnd breidt insonders aber
 die Graffeschafft Teisterband durchzogen / reutet an
 allen ort vnd enden auf die Abgötterey vnd führet viel
 Volcks zu Christo / durch die Lehr vnd Tauff/Bawete
 an vielen orten neue Kirchen/oder alte Götzen Tempel
 weyhete er zu Gottes vnd der H.H. Dienste. Als nem-
 lich zu Sandtwyck beh Eiel die Kirche S. Vincen-
 tiis/zu Arkel die Kirche vnsr lieben Frauwen zu Hoerma-

er die Kirche des H. Dionysij. Zu Schönenre wortet / zu
 Aethueden / zu Aelborg / zu Wondrichen / zu Giesen / zu
 Risswick / zu Almkercken / im Malsen / Erckum vnd
 viel anderen Drienn welche der H. Swibert selber mit
 grosser andacht gewehnt hat. Er war gesprächig vnd
 freundlich gegen alle / die Trost vnd besserung bey ihme
 sucheten. Welche er den auch zu Christo hederet hette / die
 selben bewahret vnd schuzet er mit stätem gebett bey
 Gott / vnd befürdert sie mit seinen heilsamen Ver-
 manungen zum immer wehrenden
 Himilischen leben.

lib. I.C. II.

• 6(0) 90 •



Als nachmals Anno 696. am 24. Septembris/
 der H. Swibertus eine Kirche zu Malsen/ in
 Leisterbander Graffschafft / am Flüß Einghen/
 wolte weyhen / hat sich auch dahin begeben
 Splinterus von Andengyn / des Obristen Notarij
 oder Secretarij von Dürstede Sohn/ auff daß er des H.
 Swiberti thun vnd lassen auch die Kirchen Ceremoni-
 en Abspeculierte/wie dan offter die vnglaubige zu thuen
 pflegen. Es begab sich aber als er auff der Lecke im
 Schifflein abführ/zu solcher meinunge/das ihme/ auff
 das Schiffleins glattem bort gefährlich stehende Fuß
 entgingen vnd errücklich ins wasser fiell/ Vnd als bale
 wie ein Stein zu grundt gehendt / versoffe. Da ent-
 standt ein groß klagenvnd weinen vnder den Dieneren
 vnd gefehrten / bis sie ihn durch der Fischer / hulff vmb
 zwölf vhren erfischer/ in der Elteren Haßt getra gen.
 Vnd nach der Gözen Priester rath wie woll Todt vnd
 ganz erstarret in ein warmesbett gelagt/ vnd also in das

B 4

Ab-

Als

Abgottis Martis Tempel getragen/weil sie gehört hetten/
 daß die Christen etliche in gleichem fall ersoffene Men-
 schen in die Kirchen getragen hetten vnd mit gebett
 zum leben auferwecket hetten. Es hat aber solches nach-
 apfen der Hēyden nichts geholfen/bis daß der H. Swi-
 bertus mit seinen Priesteren vnd Diaconen flehenlich
 erbetten / da hinkommen vnd in bewesen der Abgötti-
 schen Redelführer / vnd alles Volcks durch gebett im
 Namen Jesu Christi ihne auferweckt von den Todten/
 vnd Elteren wider geben hat. Darauff dan als bald viel
 Volcks befehrt/vnd auf des Splinteri freundtschafft
 mit ihm über CXXVI. getaufft der Christlichen allge-
 meine Kirchen seindt in verleibt worden: der meiste theil
 des Volcks ist des anderen tags gefolgtvnd zu ge-
 sellen/dem einigen wahren Gott zu ehren vnd
 spott der aberglaubigen Abgöt-
 ter.

lib.I.c.12.

• 06090 •

All



2512

Es nun im folgenden Jahr 697. der H. Willibrordt von Rom/ mit Bischofflicher würde vnd macht vom Pabst Sergio georndinieret/ widerumb in Holland kame/ ist ihm der H. Bischoff Swibertus sampt seiner Clerisen bisz Emmerick entgegen gangen/vnd gar ehrenbietlich empfangen/vnd bisz Utrecht begleitet. Es war beyder seiten ein herzlches frewen/ ab allem segen vnd wunderthaten Gottes/welche Gott durch seine Diener augenscheinlich wirckete/haben also mit newen cyffer angefangen/ erstlich eine Bischoffliche Residenz oder Stuel zu Utrecht auffzurichten/mit erbauung einer Kirchen zu der ehr des H. Martini/darnach haben sie durch ganz Frieslandt/nach des Radbodi des Königs todt/vnverhindert den Christlichen glauben gepredigt/ Priester vnd Clerisen angeordnet/dass Landt durchzogen/die Sacramente Des Tauffs/ Firmung / vnd Geistliche weyhe missern den Christen mit getheilt. Eestlich haben die Apostolische

B 5

lische

lische Männer einen Synodum oder Kirchen rath zu
Urtheil gehalten/ vnd beschlossen/ daß sie ihren eiffer
solten auch auff die benachbarte Völcker erstrecken/
vnd sie Christo gewinnen. Welches auch geschehen ist/
dan andere zu geschweigen/ so ist dem H. Swibert West-
phalen vnd Saren zu geeignet / in welchen Landen er
ein newe Kirche auffzurichten sich vndervsünde. Als die-
ser nun zur Winterzeit gen Münster/damals Minigar-
de genandt/ankommen/hat er daselbst mit grossem eiffer
vnd nachtrück gepredigt / vnd viel befehrt. Am nachfol-
genden Tag ist ihme in der selben Statt zu geführt eine
Frau/ welche ganz Contract war/diese hat der H. Man
mit dem Creuz zeichen alsbaldt gesundt gemacht. Sie
aber ist zu Christo befehrt mit vielen anderen/ vnd weil
sie auff den tag/der befehrung S. Pauli gesundt war
worden/ hat sie bey ihrem Haß eine Capell
oder Kirche zu S. Pauli ehren
lassen auffzubauen.

lib. I. c. 13. 14. 15.

• 96 (o) 90 •

Zu



Bilueldt war ein mächtiger Man Albrecht genandt / dem ghelych ein hals geschwör entstanden / also daß er wegen vnuermögen des einschlindens länger zu leben verzweiflet. Als dieser von des H. Swiberti zu Münster gethanen wunderwerken verhört / begeret er eilends durch fürneme gesandten / daß er ihne vmb desselben Jesu seines Gottes willen wolte Heimsuchen / mit versprechen den glauben anzunemmen.

Der H. Swibertus zeucht Gott zu ehren dahin / mit seinen Priesteren vnd clerisen / vnd findet der Krancken in den leisten zügen / nach dem gebett vnd ampt des H. Mesopffers / gibt der H. Bischoff dem Krancken von dem Wein / mit welchem er die finger abgespület hatte / vnd sihe als baldt ist er in aller behwesenden ansehe gesundt worden. Ist also auch dieser Orten ein aufang der bekehrung gemacht / vnd ein grundt des Catholischen Glaubens gelagt worden vnd als der H. Bischoff abermal auff etlicher Krancken begeren widerumb nach

Münster zoge / ist ihm ein Blinder Mensch am weg
zukommen. Dan da dieser höret/dass der H. Swibertus
der Christen Bischoff für handen / hat er zu ihm ge-
schrien : der H. Bischoff sendet zum Blinden seinen
Priester Willeicum/samt seinem Stab/vnd befahl der
Blinde solle zu ihm kommen/alsbaldt der Blinde den
Stab hat angerührt ist er etwas dunckel sehendt wor-
den/vnd zum H. Man kommen / vnd als er mit dem
zeichen des H. Kreuzes ist bezeichnet worden hat er
Hell vnd Clar gesehen/darab abermahl viel befehret der
H. Bischoff aber widerumb gen Münster kom-
men/vnd die new glaubigen/mic
Lehrwunder vnd der Fir-
mung bestetiget.

lib. i.c. 16. 8c 17.

• 6(0) 90 •

Von



SOn Münster ist er in Brünnwald kommen mit seiner Cleriseij vnd ohn forcht den Christlichen Glauben gepredigt. Und wan er mit Predigen vnd Lehren nicht war beschäftigt/ dann übte er sein gemüth in betten/lesen vnd Studiren. Nun war daselbst ein man an seiner Eincken seiten so gar erlahmet/ daß er weder handt weder Fuß einigeswegs regen fundt/ auch mit dem Eincken Aug nichts sehen. Dieser höret von etlichen die ihne heimsucheten/ die heilsame ermanunge vnd wunderthaten des H. Swiberti so er an vielen Orten in Westphalen im Namen Jesu Christi hatte gethan. Schicket derhalben zu ihm/ vnd erlangt/ daß der H. Man ihne mit seiner Cleriseij vnd vielen Glaubigem Volk heimsuchet/ vnd nach Demütigm gebett in der seiten anrühret/ vnd mit dem zeichen des H. Creuzes segnet/ sagendt. Im nahmen unsers Herriens Jesu Christi des Almächtigen Gottes stehet auf/ vnd sihe er stundt als baldt auf/ vnd wardt ganz gesundt.

Als

Als nun wegen dieser Heiligen that ein grosse menge
Volcks zu Christo befekht wurde vnd der schultes selbi-
ges orts/ ein verwandter des newlich gesund gemachte
Mans/darüber sehr erweicht/vnd Christum hoch achte-
te/ist ein tumult erweckt von der Abgötter Dieneren/
welcher nit ehe hat mögen gestillt werden bis das Swi-
bertus/von dannen verreiset den newglaubigen an sei-
nem platz einen frömmen Priester mit namen Boso
hinder gelassen welcher ihr Seel sörger were.

Ist also der H. Man in andere Länder kommen/
bis er leßlich auch das Bergislandt/ domals Boructu-
aria genandt/angetroffen. Im Jahr 705. In diesem hat
er auch mit vielen wunder werken den Glauben Chri-
sti angefangen ein zu führen; viel befekhten getauft vnd
ist daselbst zwey Jahr lang verblieben/bis daß er durch
Nachstellen des bösen Geists/welchen er aus einem für-
nemen desselben Landts Herrn vertrieben

hatte/von dannen
verjagt ist.

lib. t. c. 18. 19. 20. 21.

¶(o)¶

— Weil



Selbst der H. Swibertus in dem Bergischen Landt viel befahrte durch die wunderwerke so er an den besessenem Febricitanen vnd Wassersüchtigen wirckete / ist durch des Teuffels nachstellung ein grosse Mordt vnd Krieg im selben Landt entstanden. Dan als der Durchleuchtige Bruno Grossfürst der Sachsen in die Statt Ratingen akommen / vnd durch Heydnische vollereij unter dent Bruno / vnd der Statt Ratingen Obristen ein zwie tracht auch ein Mordt entstanden / also daß beyde Obristen mit ihren Dieneren umbkommen / haben die Altsaxen zur wehr griffen / vnd daß Bergische Landt mit Krieg/Schwert vnd Feuer überzogen / vnd die Statt Ratingen geschleift neben viel anderen Stätten vnd Schlosseren. Da nun beyder seiten so viel verherungen geschehen vnd die Bergischen vnter lageit / also das sie das Landt müsten räumen / hat der H. Swibertus durchs gebett anweisung erlangt/ vnd vom Engel ver stan-

standen / wohin er sich in solcher empörung solle hin
wenden.

Ist aber ermahnt daß er sich solle auff Eöllen bege-
ben. Zum Herzogen Pipino vnd desselben gemahl Plu-
etrudt/die ihme ein gelegenes ohrt mit den seinigen zu
bewohnen würden eingeben. Also scheidet der H. Mann
aus dem Bergischen Landt vnd kommt zur Gottselichen
Fürstinne Plectrudt/welche zu Eöllen wohuete in der
Ober vnd Nider Deutschen Fürsten/ domals Lothrin-
gen genandten/Pallast. An welchem orth jko daß Stift
sampt der Kirchen S. Mariæ in Capitolio auferbauet
ist. An diesem orth ist der H. Man sehr ehrlich von der
Fürstinne vnd dem Erzbischoff Anno empfangen/
vnd alsbaldt einen tödlich francken gesandten Gerald
genandt/gesundt gemacht. Auch einen Koch
des Pallasts vom Teuffel
erledigt.

lib. I. c. 22.

Nach



Ach dem die Gottselige Fürstinne Plectrudis
 durch vorbenante wunderthaten/ vnnd durch
 Göttliche krafft der Worten des H. Swiberti
 überzeugt war/ daß er vnter anderen fürträff-
 lichen Heiligen Männeren nit der geringste were / hat
 sie sich sehr ab solches Mans gegen wart erfrewet/vnnd
 gewünschet daß sie solchen schaß immer / bey sich behal-
 ten mögte. Zu diesem endt/vnnd damit sie auch dancbar
 were wegen beyder wolthat / hat sie mit rath vnnd zu
 thun / des Hochwürdigen Vatters Annonis Erz-
 bischoffs zu Cöllen/den H. Bischoff Swiberten / mit
 obgenanten Edlen Palatin Gerald von Ardenna
 sampt ihren fürschriften zu dem Durchleuchtigen
 Fürsten Pipinen abgefertiget / vertrawlich begerende/
 man soll dem H. Swiberto die Statt Werda
 am Rhein eingeben vnd zum sij schenken/damit er an
 solchem ort / den angränzenden Sachsen könne daß
 wort des Lebens verkündigen vnd denen die befehrt
 wurden

E

wurden

würden der H. Sacramenten theilhaftig machen/ welches auch also ist geschehen. Dan der mächtige Fürst nit allein dem H. Swiberto / den ort erlaubt hat / sondern auch mit Königlicher freygebigkeit / auf seinen Schäzen sehr viel Goldts vnd Silbers geschenkt/damit er zu Verda ein Münster/oder Stift erbauen mögte. Also ist der H. Swibertus wider gen Cöllen kommen vnd durch der H. Plestruden hülff vnd beystandt mit arbeiteren vnd baw Meistern gen Verda kommen/ vnd dasselbst zu ehren der H. Jungfrau Mariæ ein Münster erbawet-

• 08(0)90 •

lib.i.c.23.



Sie Jahr Christi D. CCXI. Als der H. Swibert zu Werda vnd in vmbligenden Flecken vnd Dörfferen den Heydnischen Sachsen daß Euangelium Predigte/geschache es auff einen Dienstag/dß der H. Swibertus mit seinem Priester Willeicus auff gienge Meß zu halten in einem Dorff oder March/vnd sihe ein furnemer Reicher man im Heydenthum Hungerus/nach dem Tauff Petrus genandt/als er wolte steine vnd Sandt laden/damit er sie auf guter meinung zum baw des Heiligen Swiberti zu führete/fiel vnder den geladen Wagen/vnd wardt für Todt weg getragen/dann er am haupt sehr vern undt vñ erstickt war als diesem solte nach Kirchen brauch jcho begengnüss gehalten werden/kame eben der H. Swibertus an den ort/vnd als er verstanden hatte/dß obgemelter Petrus also were erstorben gibt er befehl/man solte den Todten ehest in seine Eellen tragen; Solches geschicht/der H. Swibertus kniet mit vielem Volk/vnd bettet

bettet mit zähren vnd als er lange gebetten/stehet er auff/
 röhret die Leich mit einem Fuß an/vnnd als baldt wirdt
 der verstorbene lebendig vnd stehet auff. Keine Semina-
 deren waren jzo mehr erstarret / kein geronnen Blut
 keine wünden sahe man am ganzen leib/der halben ehre-
 ten alle jhn welche geschen die gnade vnsers Heriens
 Jesu Christi/vnd breiteten es in der Prouinz auf/vnnd
 würden die Newglaubigen dardurch mechtig im Glau-
 ben gesterckt vnd viel vnglaubigen befehrt
 sich zu Christo/vnd würden
 getäufft.

lib. I. c. 24.

(***)

Grob
beket
Für
no
welc
es v
Ple
von
Gre
relli
ma
nen
vnn
phi



Ach dem nun der H. Swibert das Münster
zu Werda gestiftet mit hülff der Fürstinnen
Plectrudis vnd anderer Herrn / vnd mit emp-
sigem Predigen erstlich zwar weinig auf den
groben vnd helstarkigen Heyden/ nachmals aber viele
bekehret/ Item etliche Bottschafften auff anbefehlen der
Fürstinnen Plectrudis verrichtet/hat sich begeben An-
no 714. Das der groß Fürst Pipinus von Herstelle/ an
welchen Plectrudis verheyratet/franc wardt/ vnd weil
es vermutlich war er würde sterben/hat die Fürstinne
Plectrud den H. Swiberten auff Cöllen berussen/vnd
von damien mit dem H. Erzbischoff Agilolphen zum
Großfürsten Pipino gesandt damit nit Carolus Mar-
tellus ein bestardt Pipini im Testament erbe würde ge-
macht sonder ihre Plectrudis vnd des Pipim rechte
newen. Welches doch nit geschehen ist / nit ohne leide
vnd Herzen wee der Heiligen Swiberti vnd Agilol-
phi/welche gleichwoll die Fürstinne sehr haben getrostet/

E 3

vnd

vnd als nach dieser Botschafft der H. Swibertus ge-
lebt hette ins dritte jahr vnd am Tag der Stulfeyr S.
Petri den 22. Tag Februarij/die H. Mesß mit andacht
gethan/ist er frant worden/ vnd allgemach zum endt
dieses lebens vnd anfang des ewigen kommen / immi-
relst aber die seinige herzlich zum frommen ernahret/
sich selbsten in Eugenden genübt/vnd also nach angehor-
ter Mesß/vnd niessung der H. Sacramenten/vnd segen
des H. Creuzzeichens über sich selbst vnd über die seini-
ge/vnter dem Gebett der vmbstehenden frölich im Herrn
entschlaffen.Dessen angeſicht alsbald gar schon erschie-
nen/vnd die kammer mit kräfftigen geruch ist
geehret/von Gott dem er im leben hatte
trewlich/gedienet.

• 6(0) 90 •

lib.r.c.25.

E5



Lebt der H. Swibertus Bischoff gestorben
vmb die 12. stundt im Jahr Christi 717. am H.
Freitag am welchem Tag vorzeiten Christus
Jesus seinen auferwehlten das Himmelreich
hat eröffnet/welcher Tag in selben Jahr fiel auff den
anfang des Merzens. Eben zur selben stundt dieses
Gottseligen entscheidens war auff der reisse der H.
Willibrordt Bischoff von Utrecht / welcher von Ep-
ternach einem fürtrefflichen Kloster im Trierischen Bi-
stumb gelegen so von ihm dem H. Willibrordt ist ge-
stiftet/widerkehrete/vnd durch Bonn/damals vnd vor-
zeiten Verona genandt/seine reiß nam/ diesem ist auff
der reisse die Seele des H. Swiberti in der stunde sei-
nes ableibens alsbaldt in einem grossen glanz vnd
Clarheit erschienen/vnd ihnen ermahnet vnd gebetten
er wolle bey seiner Leich begräbniß vnd begengniß sein.
Disß gesicht hat er alsbaldt seiner Reißgesellen vnd

E 4

Junge-

Es



Jüngeren offenbaret / vnd mit einem jag Schiff sich
 den Rhein lassen abfahren/damit er des H. Mans H.
 Leib möchte auff dasz ehrlichste statten zur Erden des
 gleichen ist auch die grosse Fürstinne Plectrudt alsbaldt
 mit dem H. Willibrordt abgefahren / zu der Leich des
 H. Swiberti / vnd der begängniss andächtig beng-
 wohnen mit nit weingen Prelaten auf der Cölli-
 schen Cleriseij/welche Gott in seinem
 Diener lobten vnd
 verehrten.

(* * *)

lib. I.c. 27. 28.

Jm-



Mittelst ist der H. Leib mit seuffzen durch
Willeicum/ Theodoricum Gerhardien vnd
andere furnehme seiner Jüngeran andächtig
getragen mitten in die Kirche/vnd nider gesetzet/
vnd folgenden samstag die besingniß daselbst gehalten.

Es lieff aber viel Volcks herzu insonders die von ihm getrostete armen vnd vnter anderen ist auch einer so von bösen Geist besessen war herzu gebracht als baldt dieser die barz auff welcher den H. Leib lage angerühret hatte / ist er in aller ansehen vom bösen Geist erledigt worden der lobet Gott vnd seinen H. Diener Swiberten. Desgleichen thät auch daß ander Volck. Als nun am Samstagte der H. Bischoff Willibrordt vnd Gottseliche Fürstinne sampt anderen Brüderen die vigilien wie gewöhnlich singen da führet man einen Jüngling herzu der war vom Donner vnd bliß erblindet der selbe fällt gehelig mit seinem geschreij in das trawrige Vigilien aefana ruffet den H. Demütia vnd empfia an


E s daß

daß er sein gesicht erlangen möchte/vnd so baldt er die
 Barr angerühret/ist er in aller anschen/vnd verwunde-
 ren sehendt worden. Daneben ist auch ein vnsinniger
 vnd Wütender da hin geführet/dieser küsset die Decken
 auff der Leich Bar/vnd ist an stundt gesundt worden.
 Da sahet jederman an mit grossem geschrey Gott zu lo-
 ben also daß die Vigilien unterlassen / bis folgenden
 Sontag/an welchem der H. Leib nach Heiliger vnd an-
 dächtiger besängnuß ist durch den H. Bischoff Willi-
 brordt Fürstinne Plectrudt/vnd andere seine
 Discipulen im Münster zu Werda
 zu erden bestattet.

lib. 1. c. 18.

• 6(0) 90 •

Zu



Nach dem er zur erden bestattet ließ er nit ab bey seinem Grab die francken gesundt zu machen. zu der zeit war ein Hendnisher Haussvatter genandt Hatager von Cosveldt/ der war am Sichtbruch/schlag vnd Gries ein lange zeit franck gelegen/vnd täglich häfftige schmerzen erlitten ; zu diesem kam vnter anderen freunden auch ein Christo mit namen Heinrich der ware nahe bey Werden bürting /vnd dem Hatager verwandt / weil dan dieser verstandt daß von allen Plasteren vnd salben keine hülffjhme were widerfahren/sprach er zum Krancken aufz Gottlichem insprachen: höre doch meinen rath/so du wirst verlassen die vnnütze Abgötter vnd an den wahren Gott glauben vnd mit andacht besuchen das Grab des H. Christen-Bischoffs Swiberti (welcher vergangen Sontag zu Werden ist begraben/vnd auf Gottes gnaden vnd gute/täglich viele vnd grosse wunder thut der gleichen an Krancken vnd elenden nie erhöret) so wirstu ohne zweifel

sel aller frantkeit loß vñ gesundi werden was geschach/
 viel vnglaubige die es höreten lachten den rath auf/ als
 wan jes der verstorbene den lebendigen nicht konte hel-
 sen: der frantke aber hat es zu herzen genommen auf
 begirdt der gewünschten gesundheit: hat ein gelübt
 gethan/ vnd ist am zweiten dingstag nach des H. Swi-
 bertis Begrabnuß zu seinem Grab geführet/ Vnd ge-
 gesundi worden/ vnd also mit allen gefahrten
 getaufft/ der Christen zhal zugesellet
 worden.

lib. i. c. 30.

Im



Si Jahr Christi 718. kam ein Jüngling/ mit
 Namen Sweder/ so von Werden gebürtig
 war in die Heydnische Statt Soest/ daselbst
 er mit anderen Heyden zu Tisch sitzend/ in
 ein disputation ab der macht Christi vnd der Heydni-
 schen Götter ist geraten/ in welcher er die grosse thaten
 S. Swiberti sehr rühmete. Derentwegen er von den
 schon Drunkenen angriffen vnd geschlagen ist/ vnd
 ihm die Zung abschnitten/ vnnd als diese mordthäter
 diß verrichtet/sassen sie abermal zu Tisch vñ schmäheten
 Christum vnd seine Heiligen am ärgstens/Sweder aber
 rieff Gott vnd den H. Swiberten mit sinn vnd Herzen
 an/ alß baldt werden die Gottlästerer mit blindheit ge-
 schlagen/ vnnd alles brodt so auff dem Tisch ware in
 steine verwandelt. Do gingen sie in ihr herz/ erkenten/
 daß sie der Christen Gott mit einer würdigen rach
 getroffen hette/ fangen an zu berewen ihre missethat
 vnd den H. Siberten vmb hulff bei GOTT anzu-
 rufen/ wolten gern daß der aufgeschlagene vnnd


ver-

verwundet Christ wider zu ihnen kame aber alle flohen
 da von vnd es wardt ein Statt geschren / letstlich am
 Abendt ist der Christ von den freunden der erblindeten
 zu ihnen getragen vnd nach dem sie auß rath Swederi
 alle zu sammen auff zween Wagen nach Werda wall-
 fahrten kommen seindt so woll sie als auch Swederus
 selber vom H. Swiberto gesundt gemacht vnd nach drey
 tagen seindt auch die zu vor vnglaubigen getaufft/
 vnd viel in der Statt Soest zu
 Christo bekehret.

lib. I. cap. 30.

46(0)90

Nach



Ach dem nun weit vnd breit daß lob vnd die
 macht des H. Swiberti erschollen / haben viel
 Menschen ihnen lassen gefallen / daß sie in ih-
 ren nöthen hülff vnd beystandt bey diesem gro-
 sen Gottes freundt vnd Diener Christi mögten suchen
 vnd erlangen. Dabei zu mercken ist daß nach an weis-
 sung der Historien vnd Jahr geschichten besünden wird/
 daß zu gewissen zeiten / etliche Kranckheiten sonderlich
 haben geherschet vnter den Menschen Kinderen / als
 nemlich / Schlangen bis / wilder Thieren überlauff/ver-
 faulung / oder brandt / Tödtlicher Schwefel / vnd der glei-
 chen mehr. Wie nun solche zu gewisser zeit sich auf ein
 sondere weisse haben lassen Spüren; also hat man zur
 zeit des H. Swiberti sonderlich viel menschen gesünden/
 die an den Hals geschworen Kranck lagen / vnd bitter-
 lich gemartert / gesundes Herzens / auf mangel der speiß
 vnd Ernachs / weil sie die selbe nit könnten einnehmen/
 mussten verschmachten vnd also ersterben. Nun hat sich im

im selben jahr 718. Zugetragen das vier Männer so bis
 auff dē Todt an Hals geschweren franck gelegen/ zu des
 H. Swiberti grab/ mit jhrē opffer zu geführt seindt wor-
 den/vnd als sie so viel jhnen möglich war/den H. Gottes
 freund erbetten/ vnd verehret/seindt sie darnach frisch
 frölich/mit Gottes lob vnd danksgung/ widerumb
 heimbracht; vnd alle die sie erkant haben / die haben
 Gottes gute vnd macht in seinem Heiligen heil-
 samlich gefürchtet/vnd ein ver-
 trauen in jhrem Herz
 gefasset.
 lib. I. c. 31.

Dar-



Arnach zur zeit des dritten Pipini ist Hildegerus Bischoff zu Cöllen/ in einem Kriegszug mit Pipino gegen die Heydnische Sachsen/ in seiner vollen rüstunge vom Roß abgefallen auff einen Belsen mit verlesungd es Haubts am Schlaff/ vnd eines Armen vnd der Achsel bruch/ wirdt also für halb todt in seine Zelten getragen. In der nächst folgender nacht erscheint ihm der H. Swibert im gesichte befihlet ihm er solle sein Grab zu Werda heimsuchen/ vollkomne gesundheit zu erlangen. Der Bischoff erwacht gehelich gibt befehl / man soll in ohne verzug gen Werda zu S. Swiberten führen. Als er nun dahin kommen/rüfft er den H. Andächtiglich an vnd wirdt als baldt durch gewaltige hilff gesundt/ zu lob vnd ehren unsers Herren Jesu Christi/ der mit dem Vatter vnd H. Geist warer Gott lebt vnd regieret in Ewigkeit. Amen.

D

Erma-


Ermahnung an den Leser.

W^{er}ther beschriebene thaten des H. Swiberti seindt
gezogen auf des H. Marcellini Schriften / so mit
dem H. Swiberto hat gelebt / folgende stücke aber seindt
auf den Schriften des H. Lüdgeri ersten Bischoffs
zu Münster genommen. Hat also hie ein ende daß erste
Buch vom Leben des H. Swiberti vnd fahet
an daß andere
Buch.

lib 1.c.32.

• 05(0) 50 •

Im



Nach Jahr Christi 748. vnd 33. Jahr nach absterben S. Swiberti als der Große Mächtige Fürste Pipinus der III. Welchervber Burgundien/Lothringen vnd alle Länder so am Rhein ligen Härtschete/ gegen die Unglaubliche Sachsen/Westphäler/ vnd Engeren Kriegte/ vnd immittelst viele wunder geschahen bey dem Grab des H. Swiberti/hat jhme obgesagter Fürste gefallen lassen/dass er zu Werda/ eine Burg oder Vestunge liesse bauen bey des H. Swiberti Kirchen damit sie gegen der Sachsen infall beschützet wurde. Nach dem nun solche Vestung herlich gebauet war/ vnd im folgendem Jahr der Pipinus gegen die Sachsen obsieger widerumb auf Westphalen mit seinem Heer an den Rheinstrom gieng/ versambltet sich eilends auf Westphalen ein grosse mānge Volcks/ mit dem vorhaben/ dass sie dem Pipino sampt seinem Heer bey Werda auff passeten/welches auch also geschehen ist/in solcher noth gedachte der Fürst Pipinus an Gott/

D 2

Gott/

Gott vnd die wunder wercke des H. Swiberti / steige
 vom roß ab/felt auff die erde/ rufft den H. Swiberten
 mit andächtigem Herzen an/ vmb hülff/mit einem ge-
 lübt/nach Werda zu Wallfahrten vnd sihe alsbald ist
 ein groß leicht vom Himmel oben dem Christen Heer
 erschienen/darab die Unglaubigen erblindet / erschro-
 cken/vnd sich ergeben/der Fürst Pipinus aber vnd sein
 Volck alle für freyden zur erden abermal gefallen/
 Gott vnd den H. Swiberten gelobt/vnd als-
 bald ihr gelübt verrichtet
 haben.

lib.2.cap.1.

o(0)90

Nach



Nach dem inn obgesagter Fürst Pipinus über ganz Frankreich zum König erkoren vnd gekrönet war vnd er den Fürsten Hunaldt/Grafen von Angiers zum obseher vnd schirm Herren der Christen zu Werda hette gestället / hat sich zu getragen im Jahr 755. Daz dieser Hunaldt an einem Hals geschwör Todt frank worden ist / vnd weil der arzen rath vnd that vergebens waren / hat er zum H. Swiberto ein vertrawen gefasset gelobet in beywesen vieler Menschen daß er den H. Swiberten wolte besuchen / vnd ihme folgender zeit trewlich dienen ic. Darauff er alsbaldt gesundt worden ohne Menschen hülff / vnd sein gelübt demütiglich bezhalet.

Als disz sein Hoffgesinde verstanden hat / welches auch an solcher Krankheit zum theil war belastet seindt ihrer viel welche zum Todt frank waren durch gleich gethanes gelübt gesundt worden. Vnnd weil dieser

D 3

Fürst

ach

54.

Fürst Hunaldt im selben Jahr hat müssen gen Pariss
zum König Pipino reisen/hat er die wunderthaten des
H. Swiberti bey dem König gepriesen darab der König
ein groß vertrauen zu diesem H. empfangen hatt
vnd sieng an ihne täglich mit etlichen Gebettlein zu
verehren wie dan solches der König Pipinus
dem H. Ägidtgero zu Eöllen eins-
mal erzehlet hat.

lib.2.cap.2.

•95(0)90

Jm



Im selben Jahr 756. kam der H. Pabst Stephanus von Rom in Frankreich nach Paris vmb hulff gegen die Longobarden/ welche die Römische Kirche untertrücken: So hat sich nun zu getragen das nach erzehlter grossen thaten des H. Swiberti der König vom Pabst begerete er wolle doch den H. Swiberium offeulich vnter der Heiligen zahl stellen/vnd erlauben das er mit Kirchen ämpferen verehret möge werden: der Pabst/ wiewoll er viel andre geschäfte/vnd trück hette/hat dannoch alsbaldt dem Erzbischoffen zu Cöllen Hildegero / neben dem Erzbischoff zu Mayns/Trier vnd Lüttiger Bischoff befehl geben das sie auffs fleissigste nach forschetten nach den thaten leben vnd Todt des H. Swiberti. Und nach guter fundtschafft seinen leib erhebten: Wiewoll aber solche erhebung nit also herrlich ist wegen der schweren Kriegszügen/ so hat sich doch der H. Hildegerus Cölnischer Bischoff als nahender der sachen mehr angenommen

D 4

men

56.

men vnd seinen Leib nach gehaltener Mess auffgegraben/vnnd zum erstenmal erhebt den 10. Tag Brachmons/bey welcher erhebung Robertus von Aldenbergh ein Cölnischer Bürger / welcher stumm vnd hörlos war/nach dem er des H. Handt geküßet/ alshaldt gesundt worden.

lib. 2. ca. 3.

oec(o)so

Als



NEs aber Carolus Magnus im Jahr Christi
778. gegen Spanien zege die Saracener zu be-
zwingen/hat der Satan die Sachsen vnd West-
phalinger in ihrem vnglauben aufgemacht vnd
zurrach gegen die Christen in dasz Feldt gebracht in
meinung ihren schaden zu erholen/verderben derhalben
mit Feuer vnd Schwerdt/weit vnd breit alles / was den
Christen zugehöret.Kommen auch an den Rheinstrom
brauchen ihnen grausamen muthwillen in allen. In die-
sem auff lauff ist S. Swiberti Kirch mit dem Conuent
verbrant die Priester ermordet/ oder verjagt sampt al-
len in wohneren der Statt Werda: welche also ist gantz
öde vnd verwüstet worden/auf genommen den H. Leib
S. Swiberti/welcher mit fleiß war vnder der erden ver-
borgen/vnd nach fleissigem nachsuchen nit gefunden/
weil sie ihnen für ihrer Feinden Schutz Herren hielten
vnder diesen Unglaubigen verstörerend der Kirchen war
der fürembste vnd ärgste Ogelius Osterbach von Pa-

D 5

der-

derborn/der frolocket beh ihm/das er so bößlich hette gehandlet/allweil er/nach dē er vielmal vmb sonst versuchet hatte die Kirchen anzuzünden/letztlich noch angangen wäre/diesen hat unser Herr Jesus Christus/ daß Eicht der Heiligen/anderen zur warunge/jämmerlich gestrafft. Dan er fett in seinem übermuthlichen reden für seinen gesellen auff ebener erde rückling zu boden/vnd zerbricht den Hals / vnd bezahlet also sein Kirchen räubrisch brennen.

Aber noch nit genuch/ dann den Leib hat die erde nit wöllen weder auffn Kirchhoff weder anderswo in lassen/ist also mit schrecken oben Erden ligendt verblieben/bis ihne etliche im abzug haben

in den Rhein geworffen.

lib.2.c.4. &c 5.

• 26(0) 90 •

Als



Nach dess Ogelli todt / seinen in den grissethat
gesellen/insonders Nothelino vnd Octoni ver-
kündigt war/was massen Ogellus von Pader-
born gestrafft vere von Götlicher handt / haben
beide diese Hauptleut mit freuel vnd Gottes lästeren
geantwortet: w an der H. Swibertus etwas hette ver-
mögzt/hette er woll seine Statt vnd Kirchen verthädigt/
ehe sic verbrunnen: Ogellus sey vngefahr todts verfah-
ren; vnd zogen also mit diesem vnd anderen mehr
schmäch worten da von. Aber Gott hat seines H. Die-
niers verachtung nit vugerochen gelassen. Dan der No-
thelin ist in der that mit Blindtheit geschlagen vor aller
bey wesen der ansehen Octo aber ist stum/ vnd gehörloß
worden. Nothelinus liegte auch an allen geliederden ei-
nen Tödtlichen schmerzen / bis er sich selbst schemen
vnd in sich gehen müste/vnd woll zu herzen führen / wie
trüzig er sich gegen Gott vnd den S. Swiberto gehal-
ten hette. Und als der schmerz je lenger je grosser wardt/
hat

hat er auff guter frommen Leut rath / die knie gebogen
 vnd Gott gelobt er wolte des H. Swiberten Grab mit
 andacht besuchen / vnd die verbrente Kirchen nach sei-
 nem vermögen wider bauen / wann er die gesundtheit
 widerumb erlangte. Vnd ist alsbaldt beyder seiten die
 that erfolgt. Doco aber ist mit seiner straff heim kommen
 ganz betrübt / bleibt auch ein lange zeit in seinem ellendt.
 Gehet aber auch zu lefft in sich selber schämet sich daß er
 wider Gott vnd den H. Swiberten mishandlet. Vnnd
 weil er gehört / was massen Nothelinus gestrafft / durch
 gelübt were genesen / gelobet er auch nach Werda zu des
 H. Swiberti grab zu woffarten / vnd ist in
 der selbestunde gesundt
 worden.

lib 2.c. 6&.7.

• 6(0) 90.


Als



NEs Carolus Magnus im Jahr Christi 803. die
Burg Drenibor Dromi in Westphalen er-
obert hatte/vnd er weiter in Sachsen gezogen/ha-
ben die auf Westphalen die besazunge sampt
des Caroli Sohn angriffen. In dieser Schlachtunge
seindt viele gefallen/vnd vnder anderen auch einer auf
Westphalen Elduck so nach empfangnem Tauff wür-
de Bruno genandt.

Dieser glaubige Soldate war gedrungen von sei-
nem Oberherrn zum Krieg gegen die Christen. Als er
nun tödlich verwundt lage vnder den Todten/ist ihme
in den sain kommen des H. Swiberti grosse macht/vnd
wunderwercke. Und weil er in seinem Blut welkete
schrie er in seinem Herzen zu dem H. Swiberto/ wie er
könte: er sollte ihm als seinem Diener jex in solcher noth
beystehen/vnd ihn Gott anbefohlen/gelobt auch daß er
nach Werda wolte wallfahrtē/ wann er von seinen
wunden mögte genesen nach beschehener gelübte wirdt
er im

er im Geist enzückt vnd es erscheinet ihme der H. Bischoff Swibert in grosser klarheit / vnd Bischofflicher Kleidung/ vnd röhret den elenden an mit seinem Bischofflichem Stab/sprechendt sihe da Bruno / für disz mal wirstu nit Sterben/weil du meine hülff vnd vorbitt bey Gott hast erlangt. Wan aber wirst gesund sein worden dan versaume nit mein Grab zu Werda heim zuziehen. Vnd dis ist also geschehen. Dan als die Obsieger oben den Todten einen grossen glanz ersehen hetten / vnd zugeloffen/haben sie diesen Brunonem halb Todten gefunden auf den Todten vnd Blut auf gezogen/ vnd als sie das wunderwerck an ihm gesehen/vnd auch gehört:haben die Soldaten ihne geehrt/vnd geholzen: Auch Carolus selbst fortan den H. Swibertum sehr hoch geachtet vnd geehrt.
 lib.2.c.8.



Ach vorgemelster zeit hat sich zugetragen / daß
der H. Leo Römischer Pabst/ im Jahr Christi
799. in der Procession von S. Marcus nach
S. Laurens Kirchen/ von den vnartigen Rö-
meren mit list über fallen/vnd in solchem auflauff / sei-
ner Augen vnd Zungen beraubt/in seinem Blut wels-
endt ligen blieben. Weil er aber wunderbarlich durch
des Herrens Engel ist errettet / vnd gesundt gemacht/
hat der Pabst seine zuflucht zu dem Carolo Magno ge-
nommen/vnd nach dem er von dem selben ist widerumb
in gesetzet/vnd Carolus zu einem Römischen Käyser vō
Pabst genent vnd gekrönet am H. Weinacht rāge im
jahr Christi 800. Do hat abermal der H. Leo mit vielen
Cardinalen/Erzbischoffen/vnd Prelaten / den neuen
vnd ersten der Deutschen Käyser Carolum in Teut-
schlandt Anno 803. heingesucht/vnd auff des Käysers
anhalten / zu Achen/zu Cöllen in S. Martin / vnd
Capitolio vnd anders wo viel Kirchen / Elöster
vnd Altär geweyhet. Insonders aber auff des

Hochwürdigen Erzbischoffs von Tölln Hildebal-
di / vnd des Kaysers Carols empfiges begeren / ist Leo
mit seiner Clerisen nach Werda geschiffst sampt vnsegli-
chem Volk / Fürsten vnd dem Käyser / damit der H.
Swibertus öffentlich in die zahld der Heiligen würde in
gesetzet. Welches auch geschehen ist. Dan nach dem sie
in der Kirchen bensamen kommen / vnd der Erzbischoff
von Tölln daß Hohe Ambt der Messe gehalten / vnd
daß Leben des H. Swiberti sampt vielen wunderwer-
cken / wie sie von Marcellino beschrieben seind / vorgeles-
sen ic. Hat der Pabst Leo mit bewilligung der behwesen-
den Cleriseij / den H. Swiberten in die zahld der H. be-
fennir Gottes öffentlich zugeschrieben. Als diß gesche-
hen / seind die Klocken gezogen / der Conuent mit liebli-
chem Lobgesang Gott geehret vnd daß gesang: Te Deū
Laudamus / gesungen. Und als des H. Körper ward
mit andacht erhoben / ist da ben ein Starcker Hims-
scher geruch entstanden / welchen alle haben können
merken. Diß ist geschehen am Vierden
Tag Septembris.

lib. 2. c. 10.

— 60 —



Als nun das geschrey der anküfft des H. Pabsts Leo-
nus mit seinen Prälaten/vnd des Käyser's Carolt
mit seinen Fürsten von Cöllen gen Käyserwerdt / in
dem vmbligenden Lande aufkündet: vnd daß der H.
Swibertus solte Canonisiert/ oder in die Zahl der H.H.
öffentliche gesetzet werden/da ist viel Volcks mann vnd
Weib mit jhren Söhnen vnd Töchteren dahin kommen
von H. Pabst jhrer sünden ablaß vnd Apostolischen se-
gen zu empfangen/vnd solchem herlichem werck bey zu
wohnen. Und sihe es kam auch dahin vdn Troia oder
Sauten des Edlen Herrns Bartoldi von Grimbergen
ehliche Haufffrau/ ein Schwester der Erzbischoffs zu
Cöllen mit jhrem erst geboren acht Jährigen Lichen
Sohn Gocellino/vnd vielen anderen./Als nun der
Schiffman sein schiff gezierte am Segelbaum/ wegen
vielheit der Schiffen vor Werda fluchs andert/auff das
er desto füglicher ans gestatt anfahren möchte/da wirdt
Gocellinus/ der voran auf dem Schiff bey seiner Mut-

E

ter


ter stund/ab dem zu samten stossen der schiffe vnd seiner
 füssen schlipfferg in den Rhein gestürzet/ vnd erseuffe
 Vmb funff vahren vor abendt. Unſäglich iſt's wie die
 Mutter vnd ihr geſündi gethan: Was weinen vnd flagen
 enstanden ſey. Jedoch lieff die betriubte Mutter der Kir-
 chen S. Swiberti zu vnd ſuchet da hilff. Kein tröſten/
 auch des Erzbifchoffs hat mögen helffen; hat also die
 ganze nacht in der Herberg ohne Schlaſſ zu gebracht/
 mit bitten/vnd an loben das wan ſie ihen Sohn wider
 Lebendig erlangte / wolte ſie denselben zu einem ewigen
 Diener auffopfferen. Was geschicht? des anderen Tags
 hat man den Corper geſucht mit Nezen vnd Hacken/
 vnd vmb 8. vahren vor dem ampt der Meß durch Lambert
 Döſel von Emmerich geſunden/ nit ohne ohmacht der
 Mutter/welche/als ſie widerumb zu ſich kommen/ tragt ſie
 den Corper auff ihen armen zur Kirchen vor S. Swi-
 berti Grab. Und ſihe die Seel kompt wider zum leib/
 ſtehet auff ſeine Fuß/verwundert ſich ab der menge des
 Volcks/das Volck ſchrye/weineten für frewden: vnd
 wirdt ein Landt geschreyen. Der Erzbifchoff aber/nach de-
 me jhme/die naſſe Kleider aufzgethan/vnd er widerumb
 gefleidet weyhet ihn zu einem Clerico zu.

Gottes vnd des H.

Swiberti ehr.

lib. 2. c. 10.

Allhie



Nie soll nicht verschwiegen bleiben ein ander wunder welches sich im jahr. 777. hat zu getragen/
 Es waren drey mutwillige Buben/wiewol Ald-
 liches geschlechts / auf einem Batterlandt/ die
 kamen nachlicher zeit in die Kirche S. Swiberti/da-
 mit sie den Kasten des H. Leibs / so vast mit golt vnd
 Edelgesteinen geziert war/ vnd auff Lewen auß erk ge-
 gossenen Füssen stunde/ bestolen. Wunder ist es zu sa-
 gen/ gegen diese Diebe/hat sich des H. Corpers Kaste
 auffgehaben vnd mit den Lewen Füssen sich wie ein
 Thier gewehret vnd verthädiget / wiewol einer auff
 den Laden springend/zwen blech darauff Apostel gesto-
 chen waren/da von riesse. Als sie nun nichts aufrichtten
 mögen / lauffen sie mit einem schrecken da von. Als sie
 nun meinten sie weren schon auß der Statt Werda/da
 sehen sie daß sie noch ben der Kirchen S. Swiberti sein.
 Lauffen abermal/aber finden sich widerumb ben der sel-
 ben Kirchen. Also das sie drey Tage ohne Speis vnd

E 2

Eranc

Tranck blieben / vnd nichts Menschliches aufrichten
können. Zuletzt zeigen sie einem Goldschmit daß abge-
brochene Metall / er solts kauffen. Aber er erfändt als
baldt das es von S. Swiberti Kasten were entfrembd/
weil ers mit eigener handt gemacht hatte/vnd daran ge-
setzt. Vnnd weil die that also auf kommen da wirdt ein
aufflauff des Volcks. Die Dieb bekennen ihre vbelthat
öffentliche / vnd wirdt der H. Swibertus hoch geehrt.
Weil sie aber eines Edelen herkommen waren / dann
ihre Elteren dem Kayser Carolo jederzeit Ritterlich ge-
dienet hatten/seind sie mit dem Leben da von komen. Je-
doch müsten sie das Land verschweren vnd meiden. Vnd
dem H. Swiberto den Kirchen Raub wid er
geben.

lib. 2. c. 10.

as(0)se

Ein



L In Haß Bitter genandt Seuerin von nider
 Besel / ein sehr Reicher Man het einen Sohn /
 der vaste schön / wollgelehr / vnd ein guter Muſi-
 cant war / genandt Conradt über drey vnd
 zwanzig Jahr alt dieser war Monsichtig. Weil nun der
 Bitter wegen dieses mangels leiden / hat müssen fehen /
 das er des halben / vom Studiren ablassen / vnd von Bo-
 nonien Heim ziehen / genötiget were / hats ihne hertzlich
 gekräntz / weil er nit wisse was er mit ihme soll aufangē /
 nach vielen bedencken aber findet er diesen Rath. Ich
 wil / gedachte er / mit ihmeins Münster gen Werda ge-
 hen / zu den andechtigen Brüderen oder Collegen da-
 selbs / will meinen Sohn in ihr Conuent thun / vnd also
 werden ich seiner mit gutem glimpff los. Als er nun mit
 dem Sohn in S. Swiberti Cloſter auff dem wert kom-
 men war / redet er dem vorſteher Herrn Dieterich vnd
 Brüderen also zu / als wan sein Sohn ein fürtreff-
 licher Clericus vnd Muſicant / keinen lust hette zur

E 3

welt

welt/vnnd gerne woll Gott in iher Gesellschaft deinen/
vnd er darumb gesinnet were/ mit einer guten Sum-
ma den Sohn an iher Conuent zu bestetten. Der Brü-
der einfalt hat diesem sagen schlechtlich getrawet vnd ih-
ne angenommen / aber nach etlichen Tagen / in der
Nacht / als die Brüder zur Metten auffgestanden/
fent Conradus mitten zwischen ihnen zu boden. Die Brü-
der erschrecken ab dem wesen vnd weil die Krankheit
oftermal ihne heimsuchte/ist er abgeschaffet/von der ge-
meinde. Als nun Conradus gesehen das er also verach-
tet were/ hats ihn beschweret. Gedachte bey ihm selbst er
wolte sich widerhin auf in die Welt wagen/oder aber im
wasser ertrinken. Nach dem er fast ein ganzes Jahr
mis solchen gedanken befürmert Schwürig gangen/
vnd gleich woll dem H. Swiberto sich täglich befohlen/
Ist ihme der H. erschienen/vnnd ihne zu seiner gelübten
haltung ermanet/darnach gesegnet vnd alles vnheil von
ihme vertrieben. Er Conradus aber ist auf befeich S.
Swiberti wiederumb in die gemeinde zugelassen/vnd ein
Heiliges leben geführt/wie obgemelter Obrister Diete-
rich dem H. Endgere Bischoffen zu Münster

hat selbst erzehlt.

lib. 2. cap. 12.

E N D E.

Schlüß:

71.

Schlusrede des H. Lüdgeri ersten Bischoffs zu Münster an den Hochwürdigen Rixfridum Bischoffen zu Bricht.

DIß seind/vielgeliebter Mitbrüder vnd Vatter
in Christo/die außerlesene geschichten der Ca-
nonization/vnd wunderthaten des H. Swi-
berti; welche mir seind/ als die denckwürdigste
vorkommen. Habe sie alle von warhaftier zeugen be-
kommen: wie ich dan hiemit vor Gott vnd seinen Hei-
ligen bezeuge. Es geschehen zwar alle tag / daselbsten zu
Werda/viel vndere gemeine wunderwercke/ als nem-
lich/dß die Blinden sehend/die Lahme gehend die brest-
hafften vnd mit allerley Krankheiten gedrückte Men-
schen gesundt werden/bey des H. Swiberti Reliquien/
dieselbe aber habe ich vngeschrieben gelassen/ als welche
gemein sein. Bitte aber empfisch daß jhr dieselbe welche
ich beschrieben habe/wollet lassen beyfügen zu dem ersten
Buch des Lebens S. Swiberti welches von S. Mar-
cellino ist beschrieben/vnd vnseren in Christo geliebten
Brüderen zu Bricht/Dockem/Egmond vnd anderen
Orten/ewers Bistums mittheilen vnd abschreiben
lassen/damit Gott/ der über alles Benedeyens wehrt
ist/ geehret vnd gelobet werde in allen folgenden zeiten/
vnd in Ewigkeit Amen.

Aufzug des dritten Buchs von S. Swiberto/
in welchein gehandlet wird von denen dingen die sich mit
dessen Reliquien/Leben/Ehr/vnd Wunderthaten
haben zu getragen nach dem Tode
des H. Lüdgeri.

Erstlich hat Gott die Statt wegen seines Dieners
Swiberti wunderbarlich bewaret in viel selzamen
fällen

fällen vnd Kriegs empörungen bis auf das Jahr Christi 1264. zu welcher zeit einige Reliquien S. Swiberti seind auf Düsseldorf gebracht laut einer Abschrift so daselbst gefunden ist. Dass seind Reliquien des H. Beichtigers Swiberti welche im Jahr M. CC LXIII. seind hergebracht am achten Tag Petri vnd Pauli zu zeiten Verbani des IIII. Weiter Anno Christi M. CC. LXXXIV. Hat der Keyser Fridericus zu Werden ein West Schloß erbarret / von dem es den namen Ränserswerdt sonderlich hat bekommen / wie in einer Oberschrift daselbst zu lesen ist aufs lateint. Aberthal hat der Hochw. Sel. G. Ioannes Gelenius Vic. Gen. in Spiritualibus im Jahr 1626. den 20. Nouemb. auf befelch Fürst. Durchl. Ferdinandi Bauari &c. Die Reliquien S. Swiberti besichtigt / vnd vom Woll-Ehrw. Capitulo etliche Reliquien erlangt / deren ein theil/nemlich ein Wirbel vom Rückgrad des H. Swiberti / von obgemelten H. Ioanne Gelenio, vermittelst P. Gosvino Nickel Rectore Collegij Soc Iesu Colonie, mit erlaubnuß Churf. Durchl. von Cöllen / dem Collegio Soc. Jesu zu Münster in Westphalen/nach langem an halten/ist übertragen worden. Bey welcher ankunft zu Münster ein sonders Jubel Fest ist gehalten wie dieses alles in ihrer Churf. Durchl. vnd deren Vicarij Generalis, vnd Jahrschriften des Collegij zu Münster gelesen wirdt. Immittelst hat Gott bis auf diesen Tag die Stätte vnd Vestungen Cöllen / Münster / Ränserswerdt vnd Düsseldorf/ da des H. Swibert Reliquien Rasten/gnädiglich beschützt. Derselbe wölle sie weiter beschirmen. Amen.

E N D E



UNIVERSITÄTS-
BIBLIOTHEK
PADERBORN



UNIVERSITÄTS-
BIBLIOTHEK
PADERBORN




UNIVERSITÄTS-
BIBLIOTHEK
PADERBORN



UNIVERSITÄTS-
BIBLIOTHEK
PADERBORN



UNIVERSITÄTS-
BIBLIOTHEK
PADERBORN



Th
2484

R III
27.